



INFORME DE AUDITORÍA DE CONTAS ANUAIS EMITIDO POLA INTERVENCIÓN XERAL DA COMUNIDADE AUTÓNOMA (IXCA)

Ao Consello Reitor da Axencia Galega de Innovación:

Opinión

A Intervención Xeral da Comunidade Autónoma (IXCA) en colaboración coa sociedade de auditoría Ernst & Young, S.L. en virtude do contrato subscrito coa Consellería de Facenda e no uso das competencias que se atribúen á Intervención Xeral no título V do decreto lexislativo 1/1999 polo que se aproba o Texto refundido da Lei de réxime financeiro e orzamentario de Galicia, e do previsto na disposición adicional da lei de orzamentos de Galicia relativa á remisión e control da información económico financeira da Comunidade Autónoma de Galicia, auditou as contas anuais da AXENCIA GALEGA DE INNOVACIÓN que comprenden, o balance a 31 de decembro de 2019, a conta de resultado económico-patrimonial, o estado de liquidación do orzamento e a memoria correspondentes ao exercicio anual rematado en dita data.

Na nosa opinión, as contas anuais adxuntas expresan, en todos os aspectos significativos, a imaxe fiel do patrimonio e da situación financeira da entidade ao 31 de decembro de 2019, así como dos seus resultados e do estado de liquidación do orzamento correspondentes ao exercicio rematado na devandita data, de conformidade co marco normativo de información financeira que resulta de aplicación (que se identifica na nota “normas de valoración” da memoria) e, en particular, cos principios e criterios contables e orzamentarios contidos no mesmo.

Fundamento da opinión

Levamos a cabo a nosa auditoría de conformidade coa normativa reguladora da actividade de auditoría de contas vixente para o Sector Público en España. As nosas responsabilidades de acordo coas devanditas normas describíense máis adiante na sección *Responsabilidades do auditor en relación coa auditoría das contas anuais* do noso informe.

Somos independentes da entidade de conformidade cos requirimentos de ética e protección da independencia que son aplicables á nosa auditoría das contas anuais para o Sector Público en España segundo o esixido pola normativa reguladora da actividade de auditoría de contas do devandito Sector Público.

Consideramos que a evidencia de auditoría que obtivemos proporciona unha base suficiente e adecuada para a nosa opinión.

Cuestións crave da auditoría

As cuestións crave da auditoría son aquelas cuestións que, segundo o noso xuízo profesional, foron da maior significatividade na nosa auditoría das contas anuais do período actual. Estas cuestións foron tratadas no contexto da nosa auditoría das contas anuais no seu conxunto, e na formación da nosa opinión sobre estas, e non expresamos unha opinión por separado sobre estas cuestións.



En base ao traballo de auditoría realizado, determinamos que non existen riscos máis significativos que xeren cuestións claves considerados na auditoría que se deban comunicar no noso informe.

Outras cuestións: Colaboración na auditoría de auditores privados.

A sociedade de auditoría Ernst & Young S.L. en virtude do contrato subscrito coa Consellería de Facenda a proposta da Intervención Xeral da Comunidade Autónoma, efectuou o traballo de auditoría referido no apartado primeiro. No devandito traballo aplicouse por parte da Intervención Xeral da Comunidade Autónoma de Galicia o previsto na disposición adicional da lei de orzamentos de Galicia relativa á remisión e control da información económico financeira da Comunidade Autónoma de Galicia e nos pregos que regulan a contratación así como a Norma Técnica da IGAE sobre colaboración con auditores privados na realización de auditorías públicas do 11 de abril de 2007.

Os traballos encargados pola intervención Xeral abranguen a realización e sinatura dos traballos polo auditor xefe de equipo da empresa auditora responsable do contrato.

Outra información

A outra información comprende a información referida aos seus indicadores financeiros, patrimoniais e orzamentarios do exercicio 2019, cuxa formulación é responsabilidade da Dirección.

A nosa opinión de auditoría sobre as contas anuais non cubre a outra información. A nosa responsabilidade sobre a outra información, de conformidade co esixido pola normativa reguladora da actividade de auditoría de contas vixente para o Sector Público en España, consiste en avaliar e informar sobre a concordancia da outra información coas contas anuais, a partir do coñecemento da entidade obtido na realización da auditoría das citadas contas e sen incluír información distinta da obtida como evidencia durante a mesma. Se, baseándonos no traballo que realizamos, concluímos que existen incorreccións materiais, estamos obrigados a informalo.

Sobre a base do traballo realizado, segundo o descrito no parágrafo anterior, non temos nada que informar respecto á outra información. A información que contén concorda coa das contas anuais do exercicio 2019.

Responsabilidade da Dirección en relación coas contas anuais

A Dirección é responsable de formular as contas anuais adxuntas, de forma que expresen a imaxe fiel do patrimonio, da situación financeira e dos resultados da entidade, de conformidade co marco normativo de información financeira aplicable á entidade en España, e do control interno que consideren necesario para permitir a preparación de contas anuais libres de incorrección material, debida a fraude ou erro.

Na preparación das contas anuais, a Dirección é responsable da valoración da capacidade da entidade para continuar como empresa en funcionamento, revelando, segundo corresponda, as cuestións relacionadas coa empresa en funcionamento e utilizando o principio contable de empresa en funcionamento salvo que se teña a intención ou a obriga legal de liquidar a entidade ou de cesar as súas operacións ou ben non exista outra alternativa realista.



Responsabilidades do auditor en relación coa auditoría das contas anuais

Os nosos obxectivos son obter unha seguridade razoable de que as contas anuais no seu conxunto están libres de incorrección material, debida a fraude ou erro, e emitir un informe de auditoría que contén a nosa opinión.

Seguridade razoable é un alto grao de seguridade, pero non garante que unha auditoría realizada de conformidade coa normativa reguladora da actividade de auditoría de contas para o Sector Público vixente en España sempre detecte unha incorrección material cando existe. As incorreccións poden deberse a fraude ou erro e considéranse materiais se, individualmente ou de forma agregada, pode preverse razoablemente que inflúan nas decisións económicas que os usuarios toman baseándose nas contas anuais.

Como parte dunha auditoría de conformidade coa normativa reguladora da actividade de auditoría de contas vixente para o Sector Público en España, aplicamos o noso xuízo profesional e mantemos unha actitude de escepticismo profesional durante toda a auditoría.

Tamén:

- Identificamos e valoramos os riscos de incorrección material nas contas anuais, debida a fraude ou erro, deseñamos e aplicamos procedementos de auditoría para responder aos devanditos riscos e obtemos evidencia de auditoría suficiente e adecuada para proporcionar unha base para a nosa opinión. O risco de non detectar unha incorrección material debida a fraude é máis elevado que no caso dunha incorrección material debida a erro, xa que a fraude pode implicar colusión, falsificación, omisións deliberadas, manifestacións intencionadamente erróneas, ou a elusión do control interno.
- Obtemos coñecemento do control interno relevante para a auditoría co fin de deseñar procedementos de auditoría que sexan adecuados en función das circunstancias, e non coa finalidade de expresar unha opinión sobre a eficacia do control interno da entidade.
- Avaliamos se as políticas contables aplicadas son adecuadas e a razoabilidade das estimacións contables e a correspondente información revelada polo órgano de xestión.
- Concluimos sobre se é adecuada a utilización, pola Dirección do principio contable de empresa en funcionamento e, baseándonos na evidencia de auditoría obtida, concluimos sobre se existe ou non unha incerteza material relacionada con feitos ou con condicións que poden xerar dúbidas significativas sobre a capacidade da entidade para continuar como empresa en funcionamento. Se concluimos que existe unha incerteza material, requírese que chamemos a atención no noso informe de auditoría sobre a correspondente información revelada nas contas anuais ou, se as devanditas revelacións non son adecuadas, que expresemos unha opinión modificada. As nosas conclusións baséanse na evidencia de auditoría obtida ata a data do noso informe de auditoría. Con todo, os feitos ou condicións futuros poden ser a causa de que a entidade deixe de ser unha empresa en funcionamento.



- Avaliamos a presentación global, a estrutura e o contido das contas anuais, incluída a información revelada, e se as contas anuais representan as transaccións e feitos subxacentes dun modo que logran expresar a imaxe fiel.

Comunicámonos co órgano de goberno en relación con, entre outras cuestións, o alcance e o momento de realización da auditoría planificados e os achados significativos da auditoría, así como calquera deficiencia significativa do control interno que identificamos no transcurso da auditoría.

Entre as cuestións que foron obxecto de comunicación co órgano de goberno da entidade, determinamos as que foron da maior significatividade na auditoría das contas anuais do período actual e que son, en consecuencia, as cuestións crave da auditoría.

Ernst & Young, S.L.

A interventora Xeral da Comunidade Autónoma